

道法會元卷之二十五

持二

清微灌斗五雷奏告儀

太虛無體淨穢皆空妄覺一生塵緣競起既非真境即是魔宮是故行持先須蕩滌謹奉真符告召九鳳破穢將軍八方大力威神乾

那怛那洞罡太玄使者五方五帝五龍神君華池文浴具人滄水繡衣使者吞魔食鬼將軍銅頭鐵面騎吏本佩法錄仙靈解穢合干官將並請遵依元降齊赴靈場布炁行神流金擲火變化法水蕩穢氣於八絃斬穢魔精布真風於十極即使萬靈振伏十方肅清天無氛穢地絕妖塵冥慧洞清大量玄玄一如詰命疾速奉行

告淨穢符

念密咒云

唵耶鼠帝奴攝

常清常淨天尊

衆誦咒酒水行淨

告淨壇符密咒云

謹教壇存八卦內藏城墜二十八宿分布四維光塞鬼路次留八門上開天門下閉地戶兜惡滅迹道炁昇騰一如元降律令

告信香符 長跪啓師

伏以天高北辰遠宣造次之能通師存衆善歸賴提擲而後可將伸朝奉先叩王維門下具位某謹以信香稽首供養皈命奏啓道經師寶元始萬神清微宗主真元妙化上

帝太初天君紫宸太華天帝祖師三天扶教輔元大法師正一靜應顯佑真君金闕上保高元宸照法王清真紫虛元君太上玉京太極左宮仙公冲應孚佑真君九州都仙太史高明大使神功妙濟真君清微三炁九霄符章經道雷帝天君清微元上侍宸金闕照凝妙道保仙元君瓊室洞清郭元君福和耀真傳元君三天侍經龍光道明姚元君三天侍御紫英玉惠高元君洞陽上宰清虛華真人神霄玉樞使青城山通慧真人五雷院使雲山保一李真人斗中六通掌水使者眉山混隱南真人清微察訪使丹山雷因黃真人洞真大夫清微廣明使西山真息熊真人清微採訪使秦智冲和彭真人清微採訪使洞淵庵外曹真人清微總章上御凌儀原陽趙

先生清微靈寶道德正一諸法演派度人歷代宗師仙衆並願鸞與鶴駕翩翩駐於壇場鳳舞龍團翼翼薦薦於几席師與下邁清若上陳

步虛

具位嗣教臣某頓首再拜上言臣聞形而上者謂之道難狀難名古之學者必有師相傳相授惟灌斗循環之法即清微妙道之機自非混合百神而返本還元安得直以片言而通真達聖賴太上發其旨趣荷師尊派此真科且古且今廣示皈崇之路有災有患俾知解謝之門恩圖群黎化行八表臣某遭逢開泰忝冒焚修惟水木之有本源尚知所自若筮蹄之於魚兔敢遽云志屬當奉告之初先謹申盟之意臣今據入志伏願師真垂鑒誠意潛孚特啓迪於愚蒙冀主張於科法徑求師首頒降符章付度小臣奉行大法告盟星斗役使雷神下以副懇禱之誠上以廣清微之教端祈師馭暫駐壇庭俟法事之告周伸愚衷而致謝臣某頓首再拜謹言

開明旨要天尊 衆誦金光咒
幻境俱空金光洞煥精神默感所召立前

密咒云
告召將待

咄咄呪嘆噓噓攝

雷靈號令疾如風火十方三界頃刻遙聞一

如元降律令急召北極循璇靈灑斗陽谷
張神君斗府功曹從官騎吏惟神威靈有赫
變化無方九天高遠兮來往斯須之頃百神
爾主矣告聞倏忽之間符到奉行職司傳奏
來悚宣示惟神聰知

宣來悚 或文牒

來悚已宣威靈昭鑒即請仗劍倚天外倏起
萬里之罡風乘雲至帝鄉徑奏九皇之玉陛
請丹輿而下邁肅黃道以前驅告會斗中三
真二使列職官君遍聞法界群仙諸司將吏
同垂來下齊到帝前廣施參贊之功共賜扶
持之力切有請也汝往欽哉

招真集聖天尊

告召三真二使符 密咒云

敦育奕劉洪揚法明耿妙真等速降疾速降

伏以齋戒沐浴以事帝貴在精虔聰明正直
之謂神必資翊贊將行奏告先用關閉帝命
頒宣何令不行何神不使真符策役所呼立
至所召立前蕪香飛符一心禮請斗中掌急
奏事太乙王天君樞靈劉大神總真龍後者

擊羊楊使者陀羅歌使者斗中延生保命度
厄益算消災散禍扶衰七元神君斗中通事
舍人玉部龍解冤結韻使者解二十四厄靈
官七元直燈掌課神吏八門警策報應等神
斗府玄曹列職官屬本佩法籙仙靈官衆將
佐吏兵本壇助道香火龍神本坊土主社令

正神本家司命土地主 功隅禁將龍神三
界功曹四直符使見聞糾察翊衛等神並願
頭帶皇天足踏崑崙排布力士驅馳三軍飛
空走霧激電與雲各擁隊仗齊集壇庭必使
光騰一室威權五明

隨機應感天尊

向伸召請仰荷光臨伏想風雲蕩蕩旂旄共
央視不見聽不聞故能神其變化來無形去
無跡不可得而名言駐劄行壇各揚厥職排

雲斗閣闔會萬聖以同明聽履上星辰迎九
皇而下降司傳來者與其進也隸祗候者汝
往欽哉化萬騎以監衛壇場攝三光而發明
燈焰顯否泰於銀缸明燭之上報休咎於符
水警策之中威攝萬靈不疾而速不行而至

令遵一體勿貳以二勿參以三照會事由稟
承符命消災解厄輔正除邪朝食百鬼暮吞
五瘟何妖精之足慮流鈴八轡擲火萬里諒
威令之素行各隸攸司威贊元化一如告命
依應奉行

藏揚妙化天尊

告開垣請降報應等符

飛斗取炁布發燈符燃發燈密咒云

睡順重靈一炁七編

衆誦發燈咒

三光混合五炁交并以燈法星以火烟靈占
燈察物辨瞻審明怪異免險平靜安寧上彰
道化下報凡情仙官直事相應奉行

寶光洞照天尊

攝星光混合燈光九真樓殿儼然在上

衆議北斗咒

師捧報應符密祝云

臣謹依元降奉行報應符命投沉水中隨指
方向占驗吉凶法中仙靈俯賜昭報
朝元朗元益希曲延曲生明彰報應

以斗印攬水七過念斗諱下符蓋之

步虛

具位奉行奏告臣某誠惶誠恐稽首頓首謹
謹再拜三露心香至恭虔誠過望星光一心
上啓臣聞一元初判即生日月之光兩曜合
明運有星辰之象洪惟上道獨處中天衆星
皆拱於北辰九皇總監於庶政所以爲天喉
舌作世舟航聰明睿智足以有臨號令文章
煥焉可述代妙道而生民物輔上帝而理陰
陽凡屬生靈寧逃宰制故太上昇玉局而宣
要法紫虛立壇壇而禮真儀上士悟之則入
聖超凡下民歸之則延生解厄今時某身憂
危難心慕真宗思薦福以消災特建壇而歲
事臣仰承陶鑄獲遂擢揚表領情忱理難抑
遏瑋宜利濟恪爲奏祈伏願仙女侍香逕達

无上清虛之境真靈下盼暫離璇璣王府而
來臣謹再拜啟請

大羅天上太虛宮中瑤天星主萬法祖師北
極紫微太皇上帝玉斗左官高上玉皇尊星
太靈八景元君玉斗右官北極玄卿帝星太

素七晨元君紫極昭沖勳令天英貪狼太星
君紫極英明集華天任巨門元星君紫極通
玄須變天柱祿存真星君紫極總承符允天
心文曲紐星君紫極執慶剛星天禽廉貞網
星君紫極宗益樞宮天輔武曲紀星君紫極

凝華好化天衝破軍關星君紫極陽琮平度
天內洞明輔星君紫極天襲大街天蓬隱光
弼星君九皇夫人妃嬪姆女仙眷天罡大聖
節度星君上清主命十一大曜星君周天萬
象拱仰星君天輪宮主照某本命建生元辰

星君當生行年二運三限旁臨正照一切神
煞官衆斗中感降證盟千真萬聖臣某不慙
愚陋僭居高明仰荷垂光不勝慶幸伏想天
衢平坦黃道紫清紅光近太陽對天顏之咫尺佳氣縉金闕簇仙仗之森嚴五雲樓殿高

玲瓏千官起居合環珮臣喜際風雲之會幸
依日月之光若葵藿之仰太陽惟深翹企效
頻繫而祀上帝少寓懇懇恩光俯臨香茶上
獻

法事 再拜

具位臣某再拜上言臣聞天庭高遠勢雖隔
於仙凡心鏡虛明道可通於玄妙况太上幹
慈悲之念而秘文垂禱謝之科謂三界難免
於三災故九皇能解於九厄可延生而保命
可制劫以消災今時某大患有身請恩無路
爰叩小臣而致禱徑祈大造以垂憐惟天何
言哉寂然不動在人所欲也感而遂通披腹
呈琅玕盡控丹衷而上訴不寢聽金鑰願迴
碧眼以遙觀奏告心章謹當跪奏

省章

焚通奏二符

適東章奏冒瀆天威伏乞矜憐俯垂監宥臣
爲民請福敢忘夙誓於當年惟道好生所望
垂憐於今日願不違於所請宜曲徇於是祈
即丐頒布洪恩賜降符命付臣告下代天宣

行臣謹再拜道前俟命之至謹言

靈通品量天尊

告開天度火二符

命將焚達心章

謹達臣身中五體真官功曹使者霹靂灌斗

陽谷張神君太乙王天君樞靈劉大神總真

龔使者楊耿二仙使者通事舍人飛龍騎吏

等官速達元降為臣傳此心章上請星闕進

奏仍煩闕答直日進奏仙官依儀正定心使

上合天心得希帝覽臣馳神金闕駐目星垣

侍候玄恩潛垂昭報

迎出焚化

奏告如法密咒云

咄咄明密一炷七編

上帝垂恩七真仙靈貪狼巨門明檢鬼營魁

魁魁星永保安寧

默取旨付屬曹治心禮謝而退

消災解厄天尊

師捧解厄符祝將

開函近御筵已拜天顏之有喜飄裾凌斗柄

親傳帝命之下頒謹請斗中三真二使賜谷

張神君斗中延生保命度厄益華消災散禍
扶表七元神君解二十四厄靈官法中將吏
疾速準奉符命施行

宣解厄牒

遍聞天京星闕地府水宮憲府雷霆陽祠嶽

瀆太歲隲社瘟司特為某檢會宿生今世應

犯重罪深愆及未來身命運限有無陽九百

六之災二十四厄或值逆伏運留之運乃致

痺痲疾痛之虞或起處失宜管修祀禁年災

月禍星厄命妖三世冤憎七生凶會鬼毒注

射魔魁陷殃有死有生有已有不巳祿馬衰

困壽算盡窮種種不祥一一解釋除名黑籍

注祿青篇即使某干不能侵支不能傷凶星

退舍惡煞潛藏吉星照運限與昌布降元

皇正炁天一真精下注某五臟六腑之中四

肢百骸之內辟除妖惡蕩滌凶殃并降真元

資扶命壽俾令某內安真性外伏魔精身體

康強家門昌盛一如元降依應奉行

告解厄符

衆諷解厄咒

大聖北斗七元君能解三災厄

大聖北斗七元君能解四熱厄

大聖北斗七元君能解五行厄

大聖北斗七元君能解六害厄

大聖北斗七元君能解七傷厄

大聖北斗七元君能解八難厄

大聖北斗七元君能解九星厄

大聖北斗七元君能解夫妻厄

大聖北斗七元君能解男女厄

大聖北斗七元君能解產生厄

大聖北斗七元君能解復運厄

大聖北斗七元君能解疫癘厄

大聖北斗七元君能解疾病厄

大聖北斗七元君能解精邪厄

大聖北斗七元君能解虎狼厄

大聖北斗七元君能解蟲蛇厄

大聖北斗七元君能解劫賊厄

大聖北斗七元君能解枷棒厄

大聖北斗七元君能解橫死厄

大聖北斗七元君能解咒誓厄

大聖北斗七元君能解天羅厄

大聖北斗七元君能解天羅厄

大聖北斗七元君能解地網厄

福生無量天尊

焚符禮謝密咒云

完鈞首明宏七編

還神 下壇

設醮 步虛

具位臣某上啓

无極大道元始萬神中天星主紫微大帝玉
斗二天尊帝九晨皇上道君星宮夫人妃嬪
仙春上清十一列曜星君本命元辰官屬照
臨星煞真靈普天星斗萬象群真咸願垂慈
俯昭謝悃臣聞一炁初分斯天地之定位二
儀交泰有星斗之垂芒惟北辰總主於樞機
列眾曜環拱而經緯無一物不被其澤盡萬
化皆屬所司今古昭彰死生攸係今時某有
身爲患無路請恩皈投致禱於高明仰賴迴
旋於造化茲退朝而事畢敬設醮以謝恩伏
願享于克誠介以景福勿藥有喜俾見患之
早瘳享福無窮庶遐齡而益衍星辰光照災
病消除稽首上香告行初獻

法事

臣志心啓請

清微演法度人歷代宗師仙衆咸願垂慈俯
昭謝悃臣聞神道設教貴立法以度人弟子
從師在依儀而行道惟此清微之教法實爲
今古之津梁謂衆生多入於邪宗明一理引
歸於正路俾其災難有以解穰今時某爲患
有身求安無路命微臣而致禱望大德之曰
生多蒙師匠之提撕茲設醮筵而登謝伏願
鑒其誠意錫厥休祥保赤帝開俾得如於所
願開明旨要尚有賴於方來庶副懇祈用彰
教法稽首上香告行二獻

法事

某一心上請

斗府玄曹省局司治應干列職一切神負清
微三炁九霄符章經道雷帝天君官將符使
本佩法籙符圖兵馬騎吏本坊土主里社正
神本家司命土地等神是夕法筵無缺衆聖
咸願垂慈俯昭謝悃伏聞太極拳分有主宰
謂之帝大樣既散得至靈而爲神自道法之

流傳著將兵而參贊分司列職而各專其任
賞善罰惡而匠成厥功懋振威靈位宣道化

今時某身嬰疾患心切憂惶皈依大法以奉
禳仰荷分神而翊衛茲行壇之畢事敬設醮
以言功伏願神享于誠天作之佑積功成聖
永揚不息之機敘福錫民俾遂如心之願有
求皆應無感不通稽首上香告行終獻

諷經 宣誦

具位臣某上啓

无極大道元始萬神中天星主紫微大帝玉
斗二天尊帝九晨皇上道君星宮夫人妃嬪
仙春上清十一列曜星君本命元辰官屬照
臨星煞真靈普天星斗萬象群真燈筵所啓
作證神祇恭望慈光洞回昭格臣聞無象無
形神之格思不可度有始有卒禱自既謹無
足觀惟真仙恍惚本結蒸以成形凡人世禱
祠即分神而散景靈皇皇号既降芳菲菲芳
滿堂斯乃神動以天隨惟在心通而意感茲
告竣於法事謹奉返於鸞輿伏想旌幢繚紗
而直度銀河蓋輅參差而各登金闕仙樂奏

八鸞齊唱天門開九虎出迎師與簇仗而咸
返清都帥馭參班而齊歸曹局十方真宰各
拜首惟勤空仰企於中天恨莫隨於後乘天
雖高而聽甚下端祈曲徇於所求禮不足而
敬有餘尚冀弗加於其責至三至再三以謝以
祈伏待恩光早垂報效臣等下情不勝攀戀
之至瞻望雲霄一心拜送

○道法會元卷之二十五

道法會元卷之二十六

持三

清微道法

玄靈解厄品

主法

清微宗主真元妙化天帝

帥班

北極閻陽掌善使者楊汝明

北極啓陰察惡使者耿妙真

並天人滿月相天丁寇青服雲鞋一仗劍

一執楊枝

○堂急奏太一天君王震

天人相王寇朝服

樞靈大神劉洪

總真使者龔德

並功曹狀僕頭劉善相黃表龔惡相紅表

北極循環霹靂灌斗賜谷神君張靈

使者相僕頭黃抹額皂綽袍右手執斧左

手捧文書

玉部纓解寬結使者顯惡

黑面蓬頭帶金鈿皂袍仗劍赤脚

淨壇符



臣某承請錄

通師符



臣某上香啓告

名將符



玄曹解厄合千仙靈承
符速降
臣某承請奏石

役將符



臣某承請錄

通真符



臣某告行通真